

SARS e tšea magato a tlhokomelo magareng ga dikgetsi tša go golela godimo tša COVID-19

Tshwane Labone 24 June 2021 – Ditirelo tša Motšhelo tša Afrika Borwa (SARS) di lemoga ka matshwenyego a magolo kudu ka lebaka la dikamano tša lephotho la boraro la leuba la Covid-19. Tekanyetšo ya matšatši a morago a diphethetšo tše phosethifi tša Covid-19 gabjale di fihleletše go dikgetsi tše 12 000. Ka letšatši le le tee fela - 23 June 2021 – go bile le dikgetsi tše 17 493 tše phosethifi tše di begilwego le mahu a 166. Re tloga re lla le bao ba hlokofaletšwego. Bontši ke batho bao re ba ratago, bagwera le bašomi ka rena bao ba fetetšwego.

Go ya ka Molao wa Taolo ya Kotsi, Ditirelo tša Motšhelo tša Afrika Borwa (SARS) di dula di fana ka ditirelo tše bohlokwa. Re dula re tiišeletša bohlokwa bja go palansa tšwetšopele ya ditirelo tše ka transmišene e kotsi

Ka koketšego e kgolo ya palo ya dikgetsi le go thoma ga lephotho la boraro, re phethile go tswalela Makala a rena a motšhelo sebakanyana bakeng sa ditetelo tša sebele go tloga ka Labone la 01 Julae 2021. Re kgona go dira bjale ka lebaka la diplatformo tša ditšithale tša SARS, bjale ka ge go laeditšwe go lephotho la bobedi, go dumelela balefela motšhelo go tšwelapele go phethagatša boikgafo bja bona ka inthanete.

Sa bohlokwa, go tswalela sebakanyana ga Makala a motšhelo go ka se ame go thoma ga Setlha sa Motšhelo bakeng sa batho ka noši bao ka setlwaedi ba faelago ka eFiling goba SARS MobiApp. Balefela motšhelo ba hlohleletšwa go tšwelapele go dira bjale ka ditšithale, go thoma ka la 01 Julae 2021.

Go faela ka Makaleng GO KA SE thome ka la 01 Julae 2021. Mo sebakeng se, re beakanya go thomiša ka diketelo tša lekala ka sebela ka la 16 Agosetose 2021, eupša re tla tšwelapele go lekola. Balefela motšhelo ba eletšwa gore ba se ke ba etela lekala la SARS. Makala a tla be a tswaletšwe go fihlela go tsebišwa gape go tiišetšwa letšatšikgwedi la go bula gape.

Nakong yeo makala a tla bego a tswaletšwe, balefela motšhelo bao ba hlokago thušo ya go faela ka inthanete bat la thušwa ka mogala ka thekgo ba bašomedi ba SARS bao ba ikgafilego.

Mellwane ka moka ya Khastomo e tla be e butšwe bakeng sa ditshepetšo tša pele tša khastomo, eupša go ka se be le dikamano tša go lebelelana thwii ka difahlego ntle le ge go dirwa diklerense le morero wa tlhahlobo.

Go ya ka boikgafo bja rena bjo bo laeditšwego go msphafatša mekgwatšhomo ya rena le go nolofaletša balefela motšhelo gore ba kgone go fihlelela boitlemo bja bona bja motšhelo, re tšwelapele ka boikgafo bja rena bja go diriša theknolotši go tiišetša tšwetšopele ya ditirelo go balefela motšhelo ka mokgwa wo o tiišetšago bobedi polokego ya bašomi ba rena le balefela motšhelo.

Re gopotša maloko a setšhaba go lemoga tše di latelago:

- Dipeeletšo tša kopano ya inthanete di ka dirwa ka wepsaete ya SARS ka go latela dikgokaganyo tše di latelago: <https://www.sars.gov.za/contact-us/make->

[an-appointment/; gape le go romela](#) SMS go 47277 ka lentšu “Booking” gomm nomoro ya gago ya paseporoto/ID Nomoro ya/Phemiti ya Bofaladi gomme agente ya SARS e tla ikgokaganya le wena go beakanya peeletšo ya kopano legatong la gago.

- Balefela motšhelo ba ka diriša diplatformo tša rena tša ditšithale ka go etela www.sars.gov.za
- SARS Contact Centre (0800 00 7277) e tla tšwelapele go fana ka ditirelo dife goba dife go tšwa go maloko a setšhaba.

SARS e tla tšwelapele go lebelediša leuba la COVID-19 le go dula e tsebiša balefela motšhelo ka moka ba Afrika Borwa ka ga diphetogo dife goba dife go dipeakanyo tše.

Go hwetša tshedimošo enngwe, ikgokaganye le SarsMedia@sars.gov.za